



Bentiarq Ottosen

UPA 2026/126-1

Atassut

10. Juni 2026

Nunatsinni ilagiit sinniiseqartarnermi atugassarititaasut qanoq pitsanngorsarneqarsinnaanersut pillugu apeqquteqaat aallaavigalugu oqallisissiatut siunnersuut.

(Inatsisartunut ilaasortaq Aqqalu C. Jerimiassen)

Atassummiit qutsavigerusupparput siunnersuuteqartoq partiimi siulittaasorput Aqqalu C. Jerimiassen saqqummiussaannut.

Nunatta oqaluttuarisaanerani ilagiit inuiaqatigiinni pingaarutilimmik inissisimapput. Ilagiit inuiaqatigiinni ataatsimoornermik, tatigeqatigiinnermik aammalu inoqatinut ataqqinninnermi akisussaffeqarnermik ineriartortitsisartut ilagaat. Taamaattumik ilagiit sinniisaasa pitsaasumik atugassaqartinneqarnissaat Atassumit pingaaruteqartutut isigineqarpoq.

Atassutip pingaartippaa ileqqut pitsaasut, piorsarsimassutsikkullu kingornussat inuiaqatigiinni naleqartitat peqatigalugit ingerlaanarnissaat. Ilagiit sinniisaat tamatuma piviusunngortinneqarnerani pingaarutilimmik inissisimapput, taamaattumillu sulinerannut atugassarititaasut naleqqussarneqarlutillu pitsanngorsarneqarnissaat pingaaruteqarpoq.

Akisussaassuseqarneq nukittorsarneqartuarnissaa pingaaruteqarpoq.

Ilagiit sinniisaat aningaasaqarnermut, ingerlatsinermut aammalu najukkami innuttaasunik sullissinermut akisussaaffeqarput. Akisussaaffiit taakku annertusiartortillugit ilinniartitaanikkut pikkorissartitaanikkullu periarfissat pitsaanagerusu pisariaqarluinnarput, soorlu assersuutitut nunatsinni orkaninik amigaateqarneq aallaavigalugu inoqarfinni amigaatigineqartut ilinniartitaanikkut pisariaqartitsiviusuni ammanerulersinneqarsinnaapput. Ajoqissatut ilinniartitaanikkut periarfissat pitsaanerulersinniarlugit inoqarfinni minnerni isorliunerusuni taaneqartartuni amerlisarneratigut ilaageeqarnerup nukittorsarnissaanut periarfissat annertusiartuinnassasut isumaqarluta.

Atassut isumaqarpoq ilagiit sinniisaat, inatsisitigut, aningaasaqarnikkut aqutsinikkullu ingerlaavartumik ilinniaqqinnissaminnut periarfissaqartariaqartut. Tamanna pitsaanagerusumik aalangiisinnaanermik, akisussaassuseqarnerusumik ingerlatsinermik aammalu innuttaasunut pitsaanagerusumik sullissinermik kinguneqassasoq.

Atassummiit pingaartilluinnarparput kajumissuseq tunngavigalugu sulineq ataqqineqarnissaa. Ilagiit sinniisaasa amerlanerpaat kajumissutsiminnik suliaqartarput. Sulineq taanna inuiaqatigiinnut annertuumik iluaqutaasarpoq, kisianni amerlanertigut piffissamik nukinnillu atuiffiulluortaruni. Taamaattumik Atassutip isumaqatiginniutigineqarnissaa kissaatigaa, qanoq ililluni ilagiit sinniisaasa sulinerminni pitsaanagerusumik tapersersorneqarsinnaanersut.



Tassani eqqarsaatigineqarsinnaapput angalanermut aningaasartuutit ataatsimiinerni peqataasarnerup ajornannginnerulernissaa kiisalu pisariaqartillugu aningaasatigut ikorfartuutit naleqquttut.

Atassummiit pingaartumik isiginiarparput oqariartuutigalugu nuna tamakkerlugu naligiimmik periarfissaqarnissaq pisariaqartoq. Nunatsinni sumiiffiit akornanni assigiinngissutsit annertupput. Inoqarfinni annerni aammalu Inoqarfinni minnerni ilagiit sinniisaat amerlanertigut immikkut unammilligassaqarnerat eqqarsaatigalugu. Taamaattumik Atassutip ersarissarumavaa nuna tamakkerlugu naligiimmik periarfissaqartitaanissaq ilagiit sinniisaat pingaarnerutillugu.

Atassut soqutigilluinnarpaa oqaatitta piorsarsimassutsittalu kinaasuseqarnera nukittorsarneqarnissaa. Oqaatsivut piorsarsimassuserpullu inuiaqatigiit akornanni tunngavigisatta pingaarnersaraat, tamatuminnga ilagiit aamma Kalaallit Oqaasii piorsarsimassuserpullu ingerlatsivigineqarneranni pingaarutilimmik ilageeqarnikkut inissisimmammata.

Atassutip kissaatigilluinnarpaa ilagiit sinniisaasa kalaallisut sullissinissamut periarfissaat nukittorsarneqassasut, kiisalu piorsarsimassuseq ileqqutoqqavullu ataqqinninneq ingerlatsinermi annertuumik ilanngunneqassasut. Tamanna innuttaasut ilagiinnut qaninnerulersissavai aammalu kinguaariit akornanni ataqpeqatigiinnermik nukittorsaanikkut anguneqassammata.

Atassut inuusuttortatsinnut nukittorsaanissamik soqutiginnilluartuuvoq, ilageeqarnikkut inuusuttortatta peqataatinneqarnissaat pingaartippaa. Siunissaq eqqarsaatigalugu pingaaruteqarpoq inuusuttut amerlanerusut ilagiit sulinerannut soqutiginnilersinneqarnissaat. Atassut isumaqarpoq inuusuttut peqataatinneqarnissaat pollugu immikkut suliuniuteqartoqarsinnaasoq. Tamanna pisinnaavoq paasissutissiinerup annertusarneratigut, soorlu ilageeqarnerup tungaasigut ilinniartitaaneq nukittorsarneratigut inuusuttunut sammisumik suliniuteqarnikkut aammalu aalajangiinerni peqataatinneqarnikkut.

Atassutip ilagiit sinniisaasa sulinerminni atugassarititaasa pitsanngorsarneqarnissaat inuiaqatigiinni ataatsimoornermik, tatigeqatigiinnermillu nassataqarluni ingerlanissaa pingaartutut isigaa aamma isumaqarpoq kinaassutsimik nukittorsaanissamut pingaaruteqartoq.

Oqallinnissamut qilanaarluta.

Qujanaq.